



**INKULUMO KANGQONGQOSHE WEZOKUTHUTHA, UKUPHEPHA  
NOKUXHUMANISA UMPHAKATHI KWAZULU-NATAL UMNUZ BHEKI  
CELE EMCIMBINI WOKUVULA KOMGWAQO EMONDLO  
NGOLWESIBILI MHLAKA 07 APRIL 2009**

**Ngiyanibingelela nonke.**

- Uhulumeni wethu uthatha imigwaqo njengesisekelo ekuthuthukisweni nokwakhiwa kabusha komnotho wethu. Yingakho uMnyango wezokuThutha wazibophezelu ekulungiseni umgwaqo oya emayini eMondlo ukuze kuthuthukiswe amathuba emisebenzi ezimayini endaweni.
- Indaba yaqala ngo-August 1997 ngenkathi imiphakathi yaseMondlo, Vryheid, Mahlabathini, eDumbe, Nongoma nezinye behlangana benza ikomiti elizobhekana nokuvulwa kabusha kwezimayini eVryheid namaphethelo ezazivalwe ngaphambi kokhetho luka-1994.
- UMnyango wezokuThutha wabe usuleseka lolu hlelo lokuvulwa kwezimayini eVryheid, njengoba vele kuyinhloso yoMnyango ukulekelela osomabhizinisi abasafufusa ukuze bafeze amaphupho abo okuthuthuka kwezomnotho esifundazweni.

- Lo mgwaqo ungu-7km ubude; isigaba sokuqala sokwakhwiwa siqale ngoMarch 2006 sathatha izinyanga ezimbili. Lesi sigaba sidle isamba sika-R 1.2 million. Isigaba sesibili siqale ngoFebruary 2008 sathatha izinyanga ezimbili ngesamba sika-R 2.1 million.
- Imayini yaseNgunjini ibinikwe isikhathi sokusebenza seminyaka elishumi kodwa sabuye selulwa ngeminye futhi iminyaka elishumi nguMnyango wezokuMbiwa Phansi ukuze isebeenze iminyaka engamashumi amabili.
- Kunabantu ababalelwu ku-200 abazothola amathuba emisebenzi ngokuvulwa kwezimayini, isikhathi esiyiminyaka engu-20, kanti kuzosizakala nabadayisi bamalahle bendawo njengoba imayini izokuba seduze, bangabe besaya emadolobheni akude.
- Njengohulumeni okhethwe ngentando yeningi sinesibopho sokusebenzela abantu bakithi ngaphandle kokubheka ngabaliphi iqembu lezepolitiki. Yingakho phela sazibekela umgomu wokwenza impilo engcono kubantu bonke.
- Nokho, impilo engcono isekeleke ezintweni ezithile okuwuxolo, intando yeningi nethuthuko.
- Siyazi phela ukuthi iZululand ingenye yezindawo esifundazweni lapho abantu besahamba amabanga amade ngezinyawo beya emitholampilo, ezibhedlela, ezikoleni nasezimpeshenini abanye kumele bakhumule nsuku zonke uma bewela imifula. Yingakho-ke uMnyango utshale imali engu-R1,5 billion kulesi Funda ukwakha ingqalasizinda ngaphansi kuka-Operation Kushunquthuli.

- Sifake imali emisebenzini ehlanganisa, phakathi kweminye, uD1820, uD487, uP700, uP432, uP235/ P49/ P52, uP234, Umbhudula Road, iQwasha River Bridge, iMpembeni, iSikhwebezi Pedestrian Bridge, iThombothi River Bridge, uBivane River Bridge, iWela River Bridge, iKwaBhanya River Bridge, Intethe River Bridge neNsonyane Bridge.
- Akuqali njalo ukuthi sibe nohulumeni eNingizimu Afrika naKwaZulu-Natal ikakhulukazi. Kodwa abantu ezindaweni esesakhe kuzona le ngqalasizinda sebexoxa indaba ngoguquko abalubona ezimpilweni zabo.
- Sengiphetha, mangithathe leli thuba ngihalalisele umphakathi waseZululand ngayo yonke imisebenzi yemigwaqo namabhulohoh esilethiwe nesazolethwa kuwona.

## **Ngiyabonga**